



INATSISARTUT

Aningaasaqarnermut Naligiissitaanermullu
Naalakkersuisoq

Ulloq: 27-02-2023

J.nr.: 01.31.06/23-01023

Aningaasaqarnermut Akileraartarnermullu Ataatsimiititaliap tallimangornermi ulloq 24. februar 2023-mi aalajangiineranik Naalakkersuisunut ilisimatitsineq

Qatserisuni inissarsuit portusuut pingasut Peqqinnissaqarfimmut attartortitassatut Illuut A/S-ip pisinissaanik akuersissuteqarneq. Ataatsimiititaliap suliaa nr. 01.31.06/23-01023
TUAVIORTOQ

”Naalakkersuisut inassutigaat,

Nummi Qatserisuni inissarsuit portusuut pingasut Peqqinnissaqarfimmi sulisunut inissiatut atorpeqartussangorlugit Peqqissutsimut Pitsaaliuineremullu Aqutsisoqarfimmut attartortitassatut, Illuut A/S inissianik pisinissaanik peqqusinissaminnut Naalakkersuisut piginnaatinneqassasut.”

Aningaasaqarnermut Ataatsimiititaliap oqaaseqaatai apeqqutaalu:

Suliap tuaviortuunera ataatsimiititaliamit maluginiarneqarpoq suliallu tuaviortutut sularineqar-nissaanik Naalakkersuisut tunngavilersuutaat paasineqarlutik. Tamatumalu peqatigisaanik suliap taama annertussusillip tuaviortumik sularineqarmissaata qinnutigineqarnera ataatsimiititaliamit paasiuminaatsinneqarpoq. Ataatsimiititaliamillu soorunami naatsorsuutigineqarpoq suliap ataatsi-miititaliamut nassiunneqannginnermini sukumiisumik isumaliutigineqarsimasoq. Tamatumunnga Naalakkersuisut oqaaseqaateqarmissaat ataatsimiititaliamit qinnutigineqarpoq.

Apeqqutit matuma kingulianiittut allakkatigut akineqarmissaat ataatsimiititaliamit kissaatigineqarpoq:

1. Minnerunngitsumik inissiat Nuussuarmitut sulisunik sulisorinniinnarniarnermi sulisussar-siortarnermilu assut unammillernartut Naalakkersuisut paasissutissiissutigaa. Tamatumalu peqatigisaanik paasissutissiissutigineqarpoq inissiat nutaat pilerinartullu DIH-mut qanittu-miittut sulisunik sulisorinniinnarniarnermut sulisussarsiornermilu assut pingaarute-qassasut. Pissutsit taakku Namminersorlutik Oqartussani immikkoortuni tamani sulisunut inissiaqarnermi anguniagaannginersut paasissutissiissutigineqassasoq ataatsimiititaliamit kissaatigineqarpoq.
2. Aningaasanut inatsimmi konto pingaarnermi 20.30.09-mi, sulisunik utaqqiisaasumik najugaqartitsineremut tunngasumi, allassimavoq peqqinnissaqarfik konto pingaarnermi tassani ilaanngitsoq. Taamaattumillu peqqinnissaqarfimmi utaqqiisaasumik aammalu aalajangersimasumik atorfeqartitanut utaqqiisaasumik ineqartitsinermi akiliuteqartitsineremut

aaqqissuussinernik immikkut ittunik atuuttoqaranik paasitinneqarnissaq ataatsimiititaliamit immikkut soqutigineqarpoq.

3. Sulisut allat assersuutigalugu eqqiaasut portørillu sulisunut inissiaqartinneqarsinnaaneq eqqarsaatigalugu qanoq inissimappat?
4. Namminersorlutik Oqartussat immikkoortuisa sinnerini sulisut utaqqiisaasumik ineqartinneqarnerminnut qanoq akiliuteqartarpat?

Aningaasaqarnermut Ataatsimiititaliap aalajangenera

Naalackersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Ataatsimiititaliaq sinnerlugu



Hans Peter Poulsen

Ataatsimiititaliap siulittaasua